


CHONSIETNA, GOSPEL, CHULEH DANTHU



Simmun 9: May 30, 2026



“Nei hinsuona ahijieh in
Na thuhil ho nahsahmo
hih hiel ing e!


Nang a kahi, nei huhhing
in! Na thupieh ho nit tei
kago’i!”



(Psalm 119:93, 94)

Eiho nop le da umlouvin, chonsietna'n mitin ei luonkhum u ahi tai; Pathien toh ikah u jong asuhse tai: *"ajieh chu mihiem jouse chonse a Pathien loupina changlel ahita uve"* (Rom. 3:23).

Chonsietna'n Pathien toh ikah u onghom asuo iti ikaibit thei ding u ham? Mi tamtah in aseil thil 2 ve ute: Danthu bouva tiloi (*Danthu umje hekhiel hon natoh vang a huhhing chan ding ati u*); Gospel bouva tiloi (*Danthu suhmang a tahsan bouva kingai ding kiti*).

Phatah a hetthiemna inei tieng, Danthu le Gospel kikaltuo ahilou dan akimudoh thei e; kilhon khom leh chonsiet dou khom hilhon ahin, anigel in panmun nei chieh ahi lhon e.



 Lhep patepna jamsan in
 Chonsiet nungsun ding thumop

CHONSIET



 Danthu le Chonsietna

DANTHU



 Gospel leh Danthu
 Suongpi a kiphut det

GOSPEL





CHONSIET




LHEP PATEPNA JAMSAN IN

“Mi ama ama lunggul chun ajollhah a akaimang ji a, lhez patep a um ji ahibouve.” (Jacob 1:14)




Jacob in lhezna tuoh ham ham pa chu “*anunnuom e*” ati (Jacob 1:12). Ahin lhezna chu Pathien a hung kuon ahipon (Jacob 1:13), mihiem amatah lung ngaichat dihlouva kuon ahi atijo’i (Jacob 1:14).

Paul in “*lhezna*” (1 Thessa.3:5) ati chu Jesu’n “*Satan*” ati (Matt. 4:3, 10). Satan in ihatlouna u chonsiet sahna ding lampi ahe mama jieng e. Lei le vanmun jouse a Christa le Satan kidouna um jing lailung tah a um ihi un, Christa kuon a puimang din Satan abolthei jouse bol dia kimansa ahi geldoh jing jieng ute.



Samson thusim chu Pathien deilou ahi ti hena sasa a alungthim lhangai khat kipuimang sah thusim ahi (Thutan Vaihom ho 14:1-3; 16:1, 4).

Lhez patepna iti jamsan ding ham? Pathien lenggam hol ding (Mt. 6:33); ama toh phaath mankhom ding (Mk. 14:38); tahsanna lum chu kidalna nei ding (Eph. 6:16).



CHONSIET NUNGSUN DING THUMOP

“Namit in na kipallhuh sah le kaldoh jieng in, mit ni nei a damun a na lelut sang in mit lang bei a Pathien lenggam a lut nang din aphajo’i.” (Mark 9:47)

Jesu’n chonsiet nungsun ding thumop kichieh tah ei dalhah pih uve:



Chonsiet na puilut thei thil jouse nungsun in (Mark 9:43; Job 23:12). Vetsahna: ju gacho hih in.

Na chonsiet nathei mun che hih beh in (Mark 9:45; Job 23:11). Vetsahna: nightclub che hih in.

Chonsiet na puilut thei thil ima ve hih in (Mark 9:47; Job 31:1). Vetsahna: umchan kilomlou jaona film ve hih in.



Achom a sei din, chonsiet bolna thei le lhez patep tuona thei jouse nungsun in. Taopi in.

- 1 Chang a hithei din kigel hih in (1 Cor. 10:12)
- 2 Naphatna, nahatna seile hih in, Jesu bang in nunnem in (Mt. 6:2)
- 3 Huh le jon lungput umho suhmangna din na bolthei jouse bol in (Mt. 5:28-29)
- 4 Midang deh le chungthu seile bol da’n (1 Cor. 4:5)
- 5 Melma thet hih in, taopih jo’n (Mt. 5:44)
- 6 Navel a umho lunghan khum hih in (Mt. 5:22)



לא תרצח
לא תנאף
לא תגנוב
לא תענה
לא תחמד


אנכי ה'
לא יהיה
לא תשא
זכור את
פכר את

DANTHU



DANTHU LE CHONSIETNA

"Koi hi le chonsiet bol an danthu to kikal abol ahi, ijieh in em itile danthu to kikal chu chonsiet ahi." (1 John 3:4)





Danthu toh chonsietna kihak umdol dihlou tah in kimkhat in aseidoh un, Danthu jui jieh a chonsiet kisopthieng jouvin aseu uve (Gal . 5:4). Hiche hin kimkhat tahsan dihlou le kilebul alhut kit in, Danthu chu kisubei ahitai ti loi aum doh lo tai.


Sochatna din Danthu athupi poi; Dan jieh a sochatna kinei a, Dan jieh a sochatna kot kikhah ahi poi. Danthu chu sochat sah ding a um ana hi kha poi. Chuti ahileh Danthu in ipi panna anei ahi ta dem?

Danthu chun i chonsiet ei kimudoh sah e (1 John 3:4). Danthu umlouna chonsiet kihedoh theilou ding (Rome 7:7), chonsiet thoidamna i ngaisah lou diu ahi tai (Galatia 3:24).

Danthu hi puohgih tah chu ahipoi, chonsiet ga gimnei tah kuon a ei huoidoh uva pang, ikivendohna u thopal chu ahi jo'i (1 John 5:3; Psalm 1:1-3).



III GOSPEL



GOSPEL LEH DANTHU

"Hijeh a chu Danthu dungjui a natch vang hilouva tahsan vang a mihiem thiem kichansah ahi ti a kasei u ahi e." (Rome 3:28)

Sochatna (*chonsiet ngaidam channa le tuonsot hinna*) hi thingpel a Jesu natch jal bou a kimu ahi (Gal. 3:13). Hichun Jesu ngailutna giltah ei neisah uve (1 John 4:9, 19). Hiche ngailutna inei u chu athupieh initna uvin atahlah e (John 14:15).

Danthu le Gospel (*Jesu thisan vang a sochatna*) kikhah umdol gah nungvet kit ute:

Danthu jal in ipi chu chonsiet hi a ham ti akihe thei e

Chonsiet ibol tieng tuonsot thina chang dia laitan ihi uve

Danthu'n chonsiet angaidam thei poi

Jesu'n eiho chonsiet gotna tuonsot thina chu athuoh tai

Jesu natch kisaan chan chu achonsiet kisimpih lou ahi tai

Ngaidam chang jouse'n chonsiet kit louna din Danthu ajuj ta uve (1 John 2:1)

Jesu'n Danthu suhmang ding ago hih hiel e, phudet ding joh atibouve (Mt. 5:17).
Danthu le Gospel anigel in Pathien chu ngailut ahi ti kitahlahna ahibouve.



SUONGPI A KIPHUT DET

"Chuti ahijieh chun ka thusei hiche hi ja a bol a chu mi lungthim pha, suong chung a in kisah toh kitekah ding ahi." (Matthew 7:24)



Gospel hiti a kikisaan ji ahi. Akipatna chu hetna, Mikhat in sochatna eipe thei e ti hetna, chu ahi (Rom. 10:14).

Hinla hetna bouvin sochatna ape thei poi. Sochatna thu hetna nei a, ahivang a gospel thusah bollouva um jouse Jesu'n nel chung a in kisa toh atekah in, "*melse tah a lhu ding ahi*" ati (Matt. 7:26-27).



Hetna chu anatoh in ajui jieng ding dol ahi (Mt. 7:24-25). Eiho Danthu dungjui anatoh vang a thiem kichansah ihi po uve (Rom. 3:28), ahin suohcha tah tah ihi u leh anatoh chu ihinkho uva kilang tei ding ahi (Mt. 7:18-21).

Jesu ikisaan mong u ahi leh ama toh kinai tah a um ding u, athupieh ijui ding u ahi. Chutieng suongpi chung a in kisa ibah diu ahi.



“Danthu chun mipa achonsiet akimudoh sah in, ahin akithoidamna ding ima ape poi. Thunungpa hinna atieppih vang in, thu palkehpa chan ding chu thina bou ahi ti aphuongdoh e. Christa gospel chun bou hiche chonsiet thiemmo chansahna leh subuohna kuon ajalen sah thei ahi.

Thupieh apalkeh pih Pathien kom kishna anei a, Christa lhatdamna natoh tahsan vang a akisaan ding dol ahi. Chuti leh “*chonsiet ngaidamna chang ding*”, Pathien melput le chonchan aneithei ding ahi.”